

明

史

明史卷二百六十三

列傳一百十四

仇鉞孫鸞

神

英子周曹雄

姜

漢子與與子應熊

應熊子顯祚

馮

禎子銘

張

俊

安國郭邈

仇鉞字廷威鎮原人初以備卒給事寧夏總兵府大見信愛會都指揮僉事仇理卒無嗣遂令鉞襲其世職為寧夏前衛指揮同知理本江都人故鉞自稱江都仇氏再以破賊功進都指揮僉事正德二年用總制楊一清薦推寧夏遊擊將軍五年安化王寘鐸反都指揮何錦周昂指揮丁廣反鉞時駐城外玉泉營

聞變欲遁去顧念妻子在城中恐為所屠咸遂引兵
入城解甲覲寘鐫即歸卧家稱病以所將兵分隸賊營
錦等信之時時就問計鐫亦諺輸心腹而陰約結壯
士道人潛出城令還報官軍旦夕至鐫因使使給錦
廣宜急出兵守渡口遏東岸兵勿使渡河錦廣果傾
營出而昂獨守城寘鐫以禍牙召鐫鐫稱病亟昂來
視鐫方堅卧呻吟伏卒卒起捶殺昂鐫乃披甲橫刀
提其首躍馬大呼壯士皆集徑馳詣寘鐫第縛之詐
傳寘鐫令立召錦等還而密諭其部曲以擒寘鐫狀
衆遂大潰錦廣車騎走至賀蘭山為邏卒所獲舉事

凡十八日而敗先是中朝聞變議以鉞為副總兵俄傳鉞已降賊欲追勅還大學士楊廷和曰鉞必不從賊也彼知朝廷擢用志將益堅不然祇棄良將資敵人爾乃不果追及事定劉瑾暱陝西總兵官曹雄盡以鉞功歸之鉞竟無殊擢瑾誅始進署都督僉事充寧夏總兵官尋論功封成寧伯歲祿千石與世恭明年冬召掌三千營七年二月賊劉惠趙鐸等亂河南拜鉞平賊將軍偕都御史彭澤討之以中官陸閏監其軍未至而叅將馮禎戰死洛南賊勢益熾已聞官軍將至遂奔汝州又聞官軍分布列城要害懼走寶

豐復由舞陽遂平轉掠汝州東南為官軍所敗遂奔
固始抵潁州也朱臯鎮永順宣尉彭明輔等擊之斬
獲多賊倉猝渡河溺死者二千人餘衆走光山鉞追
及之命諸將神周姚信擊其左時源金輔擊其右賊
大敗斬首千四百有奇湖廣軍亦破其別部賈勉兒
於羅田賊沿邊潰散由六安陷舒城復還光山至商
城官軍追之急賊復南至六安攻城將陷鉞使時源
等涉河而進敗之於七里崗賊趨廬州至定遠西又
敗還至六安分其衆為二劉惠率萬餘人與趙鏐二
弟鏐錫北走商城而鏐復至潁州道遇其徒張通及

楊虎遺黨各以二千人歸之其勢復振遂掠鳳陽陷泗宿睢寧定遠於是澤與鉞計使神周追錢時源金輔追惠姚信追勉兒鬼兒錢復合周信與戰於宿州敗之後追敗之應山其衆畧盡錢匿縣東北山下令僧為雜髮懷其度牒潛由黃陂至江夏將入江西與群盜合飯於村店為軍士趙成所覺執送京師伏誅源輔追惠歷桐栢泌陽確山運戰皆捷惠窘走南召南陽指揮王謹追及於土地嶺射中惠左目惠知不免自縊死前後斬首四千七百有奇降七百餘人勉兒數為都指揮朱忠襄廣所收變姓名匿項城之丁

村被獲餘黨潰遁周等俘斬千七百餘人賊首邢本
道劉資及楊寡婦等皆先後被禽凡出師四月而河
南盜悉平錢一名風子文安諸生也劉七等亂起錢
紮家匿渚中賊驅之登陸將污其妻女錢素驍健有
膂力手格殺二賊賊聚執之遂入其黨為之魁羣賊
無遠謀專事淫掠惟錢稍有知計定為部伍勸其黨
無妄殺移檄府縣約官吏師儒毋得走避迎者即安
堵如故由是橫行中原勢出劉六等上嘗攻鈞州五
日以馬文升方家居舍之去攻邾縣城中人饋馬二
十八匹即釋圍攻陷寶豐會有司遣人賈招撫榜至

錢昆疏附奏言今羣奸在朝舞弄神器濁亂海內誅
戮諫臣屏棄元老舉動若此未有不亡國者乞陛下
添雪精神睿謀獨斷梟群奸之首以謝天下即梟臣
之首以謝群奸其桀黠如此楊寡婦者楊虎妻崔氏
也鉞既平河南賊移師會陸完共滅劉七等於江北
論功進世侯增祿百石仍督三千營八年大同有警
命充總兵官統京軍禦之鉞上五事中請遣還京操
邊軍停京軍出征以省公私之擾尤切時弊時不能
用鉞既至值寇犯萬金沙河督叅將昌佐等擊之斬
首三級而軍士陣亡者二十餘人寇亦引去然猶奏

捷蒙賚朝論恥之帝召諸邊將入侍豹房亦令鉞入侍鉞嘗一入後輒力辭十年冬稱疾解營務詔給軍三十人役其家世宗立再起督三千營掌前府軍事未上卒年五十七諡武襄子昌以病廢孫鸞嗣侯鸞字伯翔少讀書能文鉞奇愛之彭澤與鉞相得為製名字延譽公卿間既嗣爵恣睢狠傲嘉靖八年出鎮兩廣數以貪殘被劾久之得疾歸十六年復出鎮寧夏以將討安南召還帝幸承天與東寧伯焦棟充左右副將軍扈駕鸞請為前鋒左右前後諸軍悉聽節制帝不許既還佩征夷副將軍印偕毛伯溫討安南抵

廣東挾勅書陵縣總兵官安遠侯柳珣令戎服入謁
珣不聽鸞遂勅珣珣亦自訴帝責鸞輕傲即以珣代
還二十三年出鎮甘肅奏言寇犯永昌官軍五戰皆
捷斬吉囊子狼台吉獲首功百二十餘詔加太子太
保予一子官鸞子弟蒼頭胥吏無不叙功者總督曾
銑大修邊牆令遣兵三千駐蘭州鸞拒不應銑怒劾
鸞并發其貪恣狀帝切責鸞停祿半年銑再疏言狼
台吉故在而鸞肆為欺妄用上不可恕帝震怒立遣
官還鸞未至而嚴嵩假銑復河套事構陷憂言又偽
為鸞疏力訐銑并及言交通狀於是言銑並得重禍

而鸞獲釋時俺荅歲盜邊而大同尤被其患總兵官
張達戰死詔起鸞代之復其宮保鸞故薦怯惟戰用
家奴時義侯榮計遣持貨幣走塞外結俺荅義子脫
脫約毋犯大同且許通市俺荅受之遂與義榮盟遣
鸞箭橐為信其年八月果越大同直犯京師鸞即提
兵趨懷來帝大喜令盡將諸路客兵鸞乃入壁居庸
馳疏言敵騎東行恐犯薊鎮震驚京師臣謹以便宜
應援或隨賊搏戰或徑趨通州惟上所命帝益喜詔
鸞且留壁聞警入援鸞即請開市上言諸邊寇患宣
大為最由彼巢穴俱在邊內我之墩軍往往出入被

中與之交易久遂結為腹心故內地虛實寇無不知
前總兵周尚文又私令其部下與寇為市而亡人叛
將寇輒撫而用之於是邊事益不可為夫彼生薑日
繁事事仰給中國求之不得則必入寇故每歲擾邊
無不得利往者請貢未許尚文乘其効順私與市場
彼既如願邊亦少寧尚文非得已而為之也與其使
遣臣私通利歸於下孰若朝廷自行恩出於上即今
遼左甘肅喜峰口並有互市倘陛下霽然發德音諭
彼遠塞但許市馬如諸邊互易彼且世世為外臣亡
邊蒙矣帝深然之甫下部議而寇已由古北口薄通

州營白河東游騎迫京師鸞乃引兵而東與副總兵
徐珏列陣河西自固宣府副將孫勇等兵至命與鸞
合軍居二日倦谷渡河西向前鋒七百騎抵安定門
鸞尾之不敢擊會珏邀其零騎於白河孤山斬首十
三級奪馬十匹鸞遽接以聞即軍中拜平虜大將軍
節制諸道軍馬文臣三品以下武臣副總兵以下不
用命者許以軍法從事鸞至東直門遇寇道死者六
人斬其首以獻曰戰得之帝益以鸞為能寵遇彌隆
時寇縱橫都下已五日鸞未嘗發一矢通政使樊深
請遣近臣承制詰鸞玩寇狀帝立除深名鸞部卒詭

稱遼陽軍所在恣掠都御史王儀捕繫之帝取罪儀
且詔兵部下令毋得捕治大同兵由是民苦鸞兵甚
於寇寇既飽颺鸞尾至白羊寇以白羊道隘恐有伏
改由高崖及古北口舊路鸞不意其東還猝與之遇
不戰而潰死傷千餘人鸞幾為所獲顧裨將戴綸等
救免乃道取寇死者及軍民首八十餘級上之錄功
加太子太保充京營總兵官御史勘諸將功次鸞以
為言詔勿勘時帝懲京軍罷弱議大更營制罷十二團
營歸三大營特鑄總督京營戎政印畀鸞令自擇營
將勿由部用鸞上言京軍止宜守城難以格戰請調

大同軍九千宣府延綏寧夏甘肅各三千入京防秋
兵部待之不得自是諸邊益虛初更營制設兵部主
事二人巡視以趙時春申鏐為之鏐疾鸞專恣言兵
戎大事不當決計于一人鸞奏鏐侵官攬權束縛臣
等使不得行事且京營既有巡視科道又益以職方
二人臣等脅息懼罪且不暇何暇辦賊帝乃下鏐詔
獄罷巡視部官嘗手勅諭鸞卿勿怠戎務必如皇祖
時長驅漠北三千里乃可耳鸞對言方冬塞外馬肥
請以來春大舉搗巢帝復諭機事責密卿何顯言鸞
對事以密成亦以豫立請暫假臣經畧者得節制諸

遣將帥臣於季冬赴宣大伺邊警為進止必不貽陛下北顧憂也帝悅即令所司儲軍實以待特賜金章許密封言事天賜勅言朕所倚賴惟卿一人驚由是益恣橫大啓賄門邊將獲軍憤事者得賄即薦趨勢者爭附之強市周皇親第太監麥福莊園及當出軍恣索部將饋遺不饜則褫甲奪馬或以軍令行戮邊軍洶洶所至供張擬乘輿過昌平一驚價至白金三兩嘗聞軍安定門外中使賜食踰日始復命帝恠其遲以驚遊別墅對帝不責也明年三月俺荅特驚前言款閤請市宣大總督蘇祐等以聞驚力主之衆畏

鸞莫敢異議帝意未決以問嚴嵩嵩請損一年四市
為春秋兩市帝乃從之令侍郎史道領其事四月馬
市成俺答獻良馬九鸞言胡俗以九為敬宜破常格
答之遂賜賚有差時外議藉藉以開市納侮損威咸
指目鸞鸞患之上疏乞解兵柄帝溫旨慰諭之初大
同之開市也諸部驅馬擁入踐毀邊牆守將不敢禁
事甫竣敵騎即犯左衛史道遣使詰之則言爾中國
叛人蕭芹喬源等能唱城使顏欲試其術於是邊臣
告警朝議譁然鸞亦懼請自將京軍及民兵禦賊以
邊軍分布近郊追勒零騎而發民間大車載糗糒隨

軍令官馬得食民田禾章下舉朝益駭然莫敢言聞
臣嚴嵩等議曰大軍所之已有大臣督餉奈何復令
戶部官遣車隨行古名將取軍有擅取民一物即斬
以徇者安得令食田禾邊軍敢戰宜為正營乃反使
勦零騎京軍怯懦難以衝鋒乃欲專當大敵此尤臣
等所未喻也帝報聞然自是漸知驚誕妄不足任矣
鸞又請借民間田車備戰守帝亦不許俺荅既抵左
衛城芹等術不驗乃執芹父子及其黨呂明鎮來獻
帝大喜加鸞太子太傅增祿二百石官一子錦衣副
千戶時義亦以功授指揮僉事亡何俺荅使脫脫來

言所部多貧請以牛羊易穀粟史道為請於朝廷臣
以求乞無厭慮後難從議久不決蘇祐等聞朝議紛
紜恐他日蒙首事禍䟽言不可驚亦惶惑不能堅前
說其年八月召道還勅兵部議戰守而令驚以二萬
七千騎赴白羊諸口防禦驚知俺荅不可勝則欲襲
擊朶顏以為功言昨歲俺荅犯順實朶顏首哈丹兒
陳通事誘之罪宜先討兵部尚書趙錦言朶顏為我
藩籬不可因一二人遽興大衆薊遼總督何棟爭尤
力驚乃止居一月還既而棟誘執二人帝又大喜告
謝却廟進驚太傅姜太子太師增祿百石廕子錦衣

指揮金事驚受恩既重見帝銳意欲威賊而賊勢強不敢與戰乃上言調遣兵開馬市二者缺一不可終欲倚開市羈縻而俺荅益驕諸部乞以牛羊易菽粟者久侯大同不得命分入盜邊一月間大入者三邊臣詰責不能禁俺荅妹塔卜吉歌叩大同易馬四百匹暮復潛兵突入奪其馬褫軍士衣裘而去而俺荅亦獻馬九匹復求市御史李逢時以非期叱去之俺荅怒縱兵入掠連敗官軍於是警報沓至朝議益追咎驚驚懼見譴明年正月上言曰臣所為開市者將陰修戰備也內外臣計欲殺臣故弛備以召寇欲其

早負市約因以疑臣於陛下乞下詔切責諸臣亟修戰備每陣選敢死士萬人以待臣戰寇如入犯令諸將無過縱其南馳臣死戰於內出精兵搖其巢於外破之必矣帝以責戶兵工三部於是趙錦爭曰京營戰士選入大將軍部下者無慮十餘萬人又益以大寧班軍五萬新設十二叅遊分戍薊鎮何謂弛備哉輔乘輿所在豈可縱巨寇橫行即能盡擒之而震驚陵寢動搖根本所喪已多若其不捷禍且奈何且我軍積弱驅之進戰猶恐不前而可預令勿遏乎帝亦知其謬妄但勅中外諸臣訓士待戰且令督撫官嚴

督諸將血戰立功願望不前者罪之於是鸞不自安
請往擊賊帝以問嵩始鸞與嵩深相結嵩為左右於
帝帝亦嚮之及後鸞勢出嵩上怙寵藐嵩嵩忌且恨
而鸞所為又日亡狀至是嵩承帝問言宜從其請然
必擒斬俺荅始為上功帝竟止鸞不遣既而寇侵擾
益數帝深以為憂意欲鸞行而鸞方晏處私第與妻
妾盛陳百戲日酣飲為樂無行意帝漸不悅至三月
乃命帥師赴大同鸞畏賊遂廵不敢戰嵩乘間言鸞
不戰非計帝諭兵部責鸞鸞即妄言前月遣兵出威
遠搃賊戰於泥河斬首二十餘級奪馬駝五百餘以

遊擊時陳戰不力故未致大捷臣今秣馬厲兵專俟
遊擊張堅軍至分道出塞必收犁庭功以慰聖懷帝
報聞鸞在大同淫虐無度守備沙朔以不堪命自刎
死又與家丁爭妓兵氣益不振己而出師鎮川堡至
猶兒莊遇伏士卒死傷二百餘人斬寇僅五級鸞且
為諸將請賞帝固遣部議徇其請鸞亦受賞然自是益
知鸞不足恃矣五月趙錦以朶顏三衛為把都兒等
脅降諸遣悉告警上言自馬市興邊境為賊所壞者
十五六蕩無隄防屢奉詔書尚未興築京營更制以
來大將軍鸞召邊將及家丁訓練經今二年積弱如

故然則所謂訓練者何事且今日簡兵將明日治器
械又明日索軍資竭不資之費而委之無用深可憤
惜乞嚴勅諸邊及大將軍力為戰備紓北顧憂錦本
由薦薦用然事多持正不甚附麗至是益知鸞必債
事故力暴其短帝遂勅責如錦言鸞又請發宣大精
卒入衛京師錦力爭不可帝然之遂命召鸞鸞懼罪
乞罷不許乃歸時鸞知帝眷已移而秋防局期無可
委責乃請兵工二部侍郎隨營督軍辦戎器帝從之
至八月邊報益急鸞益窘疽發於背請與疾赴軍大
學士徐階言鸞疾非旦夕可愈幸陛下早賜裁處又

言祖宗時京邊兵未有統於一將者宜分其事權會
趙錦亦以鸞病不能軍自請督戰帝謂本兵不可出
遂即夕收鸞勅印擢京營遊擊時陳代之鸞聞疾增
劇階又密疏鸞通賊狀帝驚命錦衣陸炳跡之炳素
惡鸞嘗伺其陰罪及用事左右銖兩之奸無不知者
欲即發懼無驗至是陰使謀時義侯榮曰北事發矣
不亟遁且擒義榮信之各亡去炳遣人遮縛之盡發
鸞鎮大同遺俺荅貨幣事帝大怒而鸞已先一日死
詔剖棺梟其首傳示九邊父母妻子及義榮皆斬籍
其家鸞本無技能徒好大言帝深恥賊騎犯關思一

大創之環顧武臣無一可任兵寄者以驚勤王獨先逐
信為忠能而重用之後言皆不讐故嚴嵩徐階得乘
間進說驚未病時嘗見紅駿人隨其後卧則妄言曾
銃持斧創之及疽發其孔有九醫者睞眦不能療也
驚凡八佩將軍印終明之世八佩將軍印者惟朱永
及驚二人錦良鄉人起家進士歷都御史巡撫甘肅
大同咸與驚共事故驚引之驚敗給事中郭銓論錦
阿黨并及職方郎中董懋中朋奸驚爵狀帝怒命錦
與妻子戍極邊懋中編氓口外或謂錦得罪為過焉
神英字景賢壽州人天順初襲父職為延安衛指揮

使守備寧塞營屢將騎兵從都督張欽等征討有功
成化元年尚書王復行邊薦英有謀勇進都指揮僉
事以從征滿四功遷都指揮使充延綏右叅將屢敗
虜加思蘭兵進署都督僉事巡撫余子俊築邊牆命
英董役工成英亦受賚十三年充總兵官鎮守寧夏
十九年移鎮延綏明年復移宣府弘治改元移大同
十一年馬市開英遣禁貿易賊掠蔚州又不救言寘
運章劾之召還閒住尋起督果勇營十四年充右叅
將從朱暉禦寇延綏武宗立寇犯宣府與李俊並充
左叅將率京軍往援尋以都督同知僉書左府奉命

勦近畿劇賊進右都督正德五年給事中段才勅英
年老不任兵命致仕當是時劉瑾竊政英素習瑾厚
賄之因自陳遺功乞叙錄兵部言英功歲久無考詔
特予伯爵吏部復持之乃下廷議廷臣希瑾指無不
言當封者遂封涇陽伯祿八百石未幾寘鐫反命充
總兵官討之未至而賊已滅乃班師其秋瑾敗為言
官所劾詔奪爵以右都督致仕越二年卒子周以翰
粟為指揮僉事累官都指揮使充近畿右叅將正德
六年命以所部兵入討河南流賊數有功再進都督
同知賊平遂以副總兵鎮山西九年秋寇大入寧武

閔淵圻定襄寧化諸州縣周擁兵不戰軍民死者數千人詔巡撫官執歸京師周潛結貴近行至揚州偽稱病自陳戰功帝乃宥周罪命盡削其秩為總旗而輸粟指揮如故己亥緣江彬得入侍豹房驟復其都督賜國姓典兵禁中遂與彬相倚為聲勢納賄不貲彬敗周亦下獄伏誅英同時武臣為劉瑾黨者有曹雄西安左衛人弘治末歷官都指揮僉事為巡綏副總兵武宗即位用總督楊一清薦推署都督僉事充總兵官鎮固原以瑾同鄉自附於瑾瑾亦欲廣樹黨援日相親重正德四年雄上言故事布按二司及兵

備道臣文移達總兵官者率由都司轉達今邊務孔
亟徵調不時都司遠在會城往返千里恐誤軍機乞
如巡撫大臣例徑呈總兵官便兵部尚書曹元希瑾
意覆如其言既復受瑾屬奏雄名為鎮守未嘗佩印
宜如各邊例特賜印以重其權乃進雄署都督同知
以延綏總兵官吳江所佩征西將軍印佩之而別鑄靖
虜將軍印予江蓋其附權恣肆如此及總督才寬禦
寇沙窩為所殺雄擁兵不救佯引罪乞解兵柄令子
謚賁奏詣京師瑾異謚貌妻以從女而優詔褒雄令
居職如故言官有糾者反被責讓明年寘錫反於寧

夏雄聞變卽統兵壓境上令都指揮黃正以兵三千入靈州固士卒心約隣境刻期進討密焚大小二壩積草與守備史鏞等奪取河西船盡泊東岸賊黨何錦懼急率兵出守大壩以防決河雄乃令鏞潛通書仇鉞俾從中舉事賊遂成擒是役也功雖成於鉞而居外布置致賊不暇內顧雄有勞焉事定瑾遂以平賊功歸之進雄左都督謚亦授官千戶未幾瑾敗言官交劾降指揮俞事尋徵下獄以黨逆論死籍其家詔宥之與家屬永戍海南遇赦不原雄長子謙讀書能文有機畧好施予故叅政李希主事孔琦家貧甚

雄請周恤其妻子以勸廉更謙之意也御史高得先
被逮無行賈謙為治裝并恤其家受業楊一清聞一
清將起用貽以書曰此何時也而先生可出哉又曰
近日閩中人才連茹而起實山川之不幸也獨不留
三五輩為後日地耶彭濟物不見登用天其有意於
將來矣濟物者彭澤字也時陝人率附瑾以進故謙
云然雄下獄譙亦被繫為怨家黨死

姜漢榆林衛人弘治中嗣世職為本衛指揮使御史
胡希顏薦其材勇進都指揮僉事充延綏遊擊將軍
十八年春寇犯寧夏與武營漢率所部馳援遇於中

沙墩擊敗之賜勅獎勞武宗嗣位冠大舉犯宣府大
同漢偕副總兵曹雄恭將王戰分道應援有功並賚
銀幣尋代雄為副總兵協守延綏居二年移守涼州
正德四年冬擢署都督僉事充總兵官鎮寧夏漢馭
軍嚴整得將士心甫數月而安化王寘鐫謀逆與其
黨何錦周昂謀置酒邠中召漢及巡撫安惟學等宴
酒半錦率其徒直入即座上執漢脅令從已漢奮起
怒罵不屈遂殺之漢欲殺其子與與逃匿得免賊平
與訟於朝詔賜祭塋後有司為主祠春秋祭之嘉靖
時復從巡撫張珩請賜額憫忠與常嗣職武宗以漢

死事特進一官為都指揮僉事十一年回賊魏景陽
糾黨作亂衆至二千華陰諸縣悉被其害巡撫蕭升
檄與討之獲景陽進署都指揮同知充右叅將守肅
州嘉靖二年擢右副總兵分守涼州明年進署都督
僉事充總兵官鎮甘肅回賊犯甘州與戰於張欽
堡敗之賊從山丹遁未幾西海賊八千騎犯涼州與
率遊擊周倫等襲擊於苦水墩大敗之斬首百餘級
殲其首還所掠人口千二百畜產二千都指揮張錦
亦戰死錄功進署都督同知九年巡按御史胡明善
劾與侵奪鹽利兵部尚書李承勛言與在鎮久無顯

過請下繼任御史勘實既而事竟白十五年吉囊他
部寇莊浪與與遇於分水嶺再勝之遂至平嶺賊騎
大集與伏兵岔口佯北以誘之復斬酋長一人獲首
功七十予實授明年春寇大入甘州與不能禦詔貶
二秩戴罪自効尋以永昌破賊功復為署都督僉事
其冬竟坐前罪罷職二十一年兵部以將才薦命赴
宣大立功尋以為副總兵協守大同與初鎮甘肅有
名及是寇勢日盛而與年已老遂為總督翁萬達劾
罷久之卒子應熊嗣為指揮使擢宣府西路叅將二
十七年春俺荅入寇大同總兵官周尚文方戰於曹

家莊應熊從萬達自懷來順風鼓譟揚塵而西賊不
測衆寡遂遁尋進都指揮同知為甘州左副總兵三
十二年進都督僉事充總兵官鎮守寧夏其秋寇大
入延綏應熊坐救援不力停俸明年套賊數萬騎屯
賀蘭山後先遣精騎五百餘出掠紅井應熊戒將士
固守紅井綏賊而潛師出賊後薄其營賊大驚亂官
兵乘之斬首百四十級進都督同知三十五年冬套
賊數萬踏冰西渡由寧夏山後直抵莊涼應熊等設
伏掩擊獲首功百餘進右都督又以築邊垣功增俸
一級已而御史崔棟劾其貪縱玩寇詔褫職下按臣

建問充為事官赴塞上立功四十年秋寇六萬餘騎
犯居庸岔道口應熊率所部先進過於南溝寇縱騎
圍之應熊身中五槍墮馬會叅將胡鎮麾兵前戰殺
傷數人奪應熊歸寇乃遁去其冬復為右都督充總
兵官鎮守大同明年以招徠塞外人口增俸一級又
明年寇大舉犯畿輔京師戒嚴詔應熊引兵入援已
諸鎮兵盡集見賊勢盛不敢擊給事中李瑜遂劾應
熊及宣大總督江東保定總兵官祝福名為入援坐
視朔鎮被圍一卒不發帝怒降勅嚴責會寇將遁應
熊禦之於密雲頗有新獲寇退帝令江東第諸將入

援功以應熊為首詔增其祖職二級尋復以招徠功
增俸如初己錄防秋勞進左都督應熊將家子有勇
略敢戰至是漸軼規度繼冠互市冠遂殘朔州為總
督趙炳然所劾遣戍邊穆宗立赦還子顯祚襲職累
官署都督僉事總兵官歷鎮山西宣府顯宗顯謨皆
副總兵顯祚子弼亦至都督僉事為援遼總兵官孫
瑄環崇禎末亦為總兵官瑄鎮保定環大同榆林故
多世將而姜氏六世相繼尤為世將之冠
馮禎綏德衛人起家戎伍累功為本衛指揮僉事弘
治末擢署都指揮僉事守備偏頭關尋充叅將分守

寧夏西路以勇敢聞寘鐸反禎馳奏告變事平進署都
指揮同知泰將如故已擢副總兵協守延綏正德六
年七月盜起中原詔禎以所部千五百人入討禎至阜
城遇賊奮前搏戰下令毋顧首級毋貪鹵獲遑軍新
至鋒銳甚賊遂大奔逐北數十里俘斬八百六十有
奇軍聲甚振進解曹州圍俘賊魁朱諒錄功進都督
僉事明年春賊劉惠趙鏐亂河南連陷鹿邑上蔡西
平遂平舞陽葉諸縣縱掠南頓新蔡商水襄城復還駐
西平禎偕副總兵時源泰將神周金輔擊敗之賊奔
入城官軍塞其門乘夜焚之死者千餘人斬首稱是

餘賊奔潰復由上蔡高水而西巡撫鄧璋等徂前勝
過汝寧入朝崇王宴飲連日賊得招集散亡勢復振
轉掠西華長葛陷鄢陵抵新鄭攻鄭州不克去陷蒙
陽汜水鞏杞偃師遂圍河南府三日諸軍始追及之
無獲部伍時賊屯洛南覘知官軍饑疲率衆迎戰右
哨金輔懼不敢渡洛禎及時源神周方列陣而後哨
叅將姚信所部京軍忽馳越禎前失利先遁賊見陣
亂麾衆齊進禎下馬殊死鬪援絕力不支死焉事聞
贈洛南伯賜祭塋授其子大全都督僉事後賊平論
功復蔭子一世百戶明年是日禎死所風霾大作又

明年亦如之洛人啟伊王奏聞勅有司建祠歲一死
日致祭尋用給事中李鐸言歲給米二石帛二疋贍
其家同時李鉉大同右衛人襲世職為指揮同知守
備陽和累功進都指揮僉事充叅將協守大同山東
盜起詔改遊擊將軍統所部兵協征數有功賊平進
都指揮同知充總兵官鎮鳳陽諸府尋以江西盜猖
擢擢署都督僉事與都御史俞諫同提督軍務鉉有
將畧臨陳嘗身先士卒賊首王浩八據裴源山鉉等
進攻之賊憑高發矢石官軍幾不支鉉下馬持刀督
將士擁盾殊死戰賊乃走追奔數十里大破之擒浩

八復以次討平劉昌三胡浩三等移駐餘干將進擊
遺賊之未下者忽疽發背卒於軍詔贈右都督廕子
都指揮僉事

張俊宣府前衛人嗣世職為本衛指揮使進都指揮
僉事守備葛峪堡尋擢大同遊擊將軍弘治十二年
以宣府破賊功進都指揮同知明年四月火節擁衆
入大同左衛大掠八日俊先遣兵三百趨城南邀其
前復分兵三百應之而親禦之荆東莊依河結營寇
以三萬餘騎果攻俊身先士卒殊死戰而被流矢益
奮寇知不能勝退屯河北事聞帝大書立擢都督僉

事未幾總兵官王璽以失事徵即命俊代之其冬寇
再入犯縱兵南掠百餘里副總兵姚信等坐停寇帶
俊亦責戴罪自効又明年移鎮宣府中官苗逵督師
巡綏檄大同宣府發邏卒二百五十人赴巡綏哨探
俊持不遣逵還劾俊故違節制兵部言宣府之軍豈
能請巡綏地利俊所守固當不宜罪帝乃宥俊竟發
邏卒如逵指武宗初立寇乘喪大舉入犯連營二十
餘里俊初得謀報即遣叅將李稽軍新開口副總兵
白玉軍萬全右衛遊擊張雄軍新河口大同副總兵
黃鎮遊擊穆榮軍柴溝諸堡合萬五千人俄寇由新

開口毀垣入稽遠前迎敵王雄鎮榮各率所部拒於
虞臺嶺寇擁衆大至諸軍為所誘不得應援俊聞急
率三千人赴之至右衛城東墜馬傷足以兵屬都指
揮曹泰泰至鹿角山被圍俊力疾調監槍內官李增
等兵五千人人持三日糧馳解泰圍復進援鎮鎮得
還又分兵取路援稽王稽王乘勢力戰亦潰圍出與
俊合獨雄榮阻山澗援兵不得前寇縱騎蹂之遇害
衆得脫者總十二三諸軍被困六七日人馬饑乏度
力不支收兵還寇躡其後且戰且行僅得入萬全石
衛城軍士死者先後二千一百餘人傷者半之失馬

六千五百餘匹掠人畜器械不可勝計兵部言俊等雖無功然能力戰奪圍勞亦可憫宜各賜勅旌之制可已而巡按御史上其失事狀帝從廷議俊及中官劉清巡撫李進皆徵還逾年御史郭東山屢劾具言俊扶病馳援勸懲不宜偏廢乃許以功贖罪正德五年起署都督同知與仲威營操練明年六月賊楊虎等自山西十八盤還破武安掠威曲周武城清河故城景州轉入文安與劉六等合都指揮桑玉屢敗僉事許承芳請濟師乃命俊充副總兵與叅將王琮統京軍千人討之京軍素懦不任戰俊往來近畿數月不

能剋賊已朝議調遣軍協征賊遂連敗明年三月劉
六劉七鄆彥名龐文宣等敗奔登萊海套陸完檄俊
軍萊州合諸將邀之賊遂北奔轉掠寶坻香河玉田
諸縣俊急偕許泰卻永遏之帝聞之喜遣人勞以白
金賊遂由武清西去未幾得疾召還後賊平實授都
督同知久之卒俊為邊將能持處有謀勇其沒也家
無贏資婦紳重之

安國字良臣綏德衛人初為諸生通春秋子史知名
里中後襲世職為指揮僉事正德三年中武會舉第
一進署指揮使赴陝西三邊立功時劉瑾盜柄無所

不要賄國同舉六十人咸無資賄瑾瑾令編之行伍
有警聽調禁其擅歸於是六十人者悉窘躋落魄儕
於戍卒不自聊生而邊臣憚瑾竟無有收恤之者寘
鐸反肆赦始放還通政叢蘭請亟收用瑾怒諷給事
中張瓚等劾諸人皆庸才宜奪祿秩於是國等加官
悉停瑾誅以故官分守寧夏西路尋進署都指揮僉
事充右叅將九年擢右副總兵協守大同明年移守
延綏十一年冬寇二萬騎分道掠偏頭關諸處國偕
遊擊杭雄率精銳馳援追敗之哥嵐州斬首八十餘
級獲馬千餘匹寇遂遁先是寇大入白羊口帝遣中

官張忠都督劉暉侍郎丁鳳統京軍討之比至寇已
飽掠去忠暉恥無功至是紀功御史劉澄甫攘國等
功歸之兵部尚書王瓊為附和大行遷賞忠等悉增
祿予世廕瓊亦加少保廕子錦衣國時以署都督僉
事為寧夏總兵官反止予實授國意不平而不敢自
列乃具疏力辭為部卒重傷者乞叙錄瓊亦自愧請
再叙國功遂進都督同知當是時倭倖擅朝債帥風
大盛獨國以材武自致大將持身端謹明練戎務所
至思盡職一時推將材者必歸焉鎮寧夏四年卒特
諡武敏同時有郭邈者嫺騎射優武畧成化初以布

衣應募從征滿四有功擢錦衣所鎮撫令赴西陲自
效累功擢秦州衛指揮同知盛有威名弘治中寇嘗
犯同原獨問邈在否其見憚如此正德初以總制楊
一清薦擢都指揮僉事卒官

論曰仇鉞起家傭卒建立奇功取封侯之賞其智畧
遠矣晚節稱疾屏居避遠寵利以保全終雖古名將
何以加焉鸞本純樸子誤被任使以致憤事屢宗之
禍又何尤乎神英曹確以附勢敗名姜漢馮禎以死
事著節張俊安國持身廉謹終以無咎則孰謂介冑
之士不必關於行誼也

明史卷二百六十四

列傳一百十五

楊宏

楊銳

文張祐

杜勇

劉璽

萬表

子達甫
孫邦孚

曾孫泰

何卿

沈希儀

石邦憲

楊宏字希仁西安左衛人初為諸生通經史負才氣
後嗣世職本衛指揮使弘治初擢掌衛事練士馬均
役力桀彘強軍政清肅部下有愬失馬者宏曰去盜
將還汝明日果遺馬空空中以才檄守紅城尋守脩
固原十四年小王子大舉入寇官軍敗績於孔壩溝

宏罪當戍總制秦紘為言乃命立功自贖後楊一清
為巡撫優薦宏知兵詔授指揮僉事隸一清部下正
德二年再以薦擢署都指揮僉事復守脩固原一清
築邊牆宏經度有勞尋改掌陝西都司事漢南盜起
討平之以右叅將協守松潘五年冬就擢副總兵番
酋雪郎王為亂督兵擒斬以徇明年大盜鄂本恕等
猖獗進宏署都督僉事充總兵官移鎮成都已本恕
就禽方四自貴州來犯宏等遣兵討破之賊復奔貴
州又明年宏都督指揮李廕副使張敏等擊賊廖麻
子曹甫于營山蓬州間賊大敗斬首千三百有奇既

而廖麻子并有甬衆連陷榮昌銅梁綿竹樂至金堂
諸縣宏軍數敗被劾落職閒任十年用薦起故官僉
書南京右府時武宗儲位尙虛宏以為言不報明年
召入後府分典三千營操練世宗嗣位充總兵官督
漕運鎮守淮揚時漕政多壞宏細心經畫多所釐正
漕舟故有輕齎銀為舟車餽費後盡入之官致領運
者益困以宏請還給如故事漕舟至通州典倉吏卒
例索筆席費雖少系積不貲宏悉禁止居六年進署
都督同知仍領漕事宏以天下軍官五年一點陟獨
漕運官戶兵二部歲一考選撫按官輒行更置而五

歲大計復預致斥汰者衆領運缺人請自今歲一報
績三年考選免其五年大計從之淮安大饑建請節
民力寬商稅弛鹽禁減漕糧優乞帑金易米煮糜存
活萬人九年改僉書南京中府淮安父老泣送載塗辱
為都給事中張潤身等所劾罷歸道出淮安軍民相
率追送立生祠祀焉

楊銳字進之其先蕭縣人嗣世職為南京羽林前衛
指揮使正德初以才推掌龍江右衛事已督造漕舟
淮安部江西諸府漕糧以能稱寧王宸濠有異謀當
事者以安慶居要害宜置戍乃進銳署都指揮僉事

守備其地銳至與知府張文錦繕器械積芻粟修城
隍治戰艦日督士肄水戰十四年六月宸濠果反率
兵出鄱陽陷九江南康焚彭澤湖口望江己丑奄至
安慶城下舟五十餘艘銳文錦與指揮崔文同知林
有祿通判何景暘懷寧知縣王誥等禦之江浙既而
賊舟益集銳等乃收兵入城固守遂為賊所圍銳文
軍城西文錦有祿軍城北景暘誥軍東南而城西尤
要衝晝夜拒戰賊死傷二百餘人斬其間謀乃稍却
七月乙酉賊悉兵至號十萬舳舻相銜六十餘里宸
濠乘黃艦泊黃石磯身自督戰江西僉事潘鵬時附

賊在賊軍安慶人也宸濠令諭降呼銳及文錦語銳等不應城守者多其親故衆頗搖走黃洲者以大義責數之鵬慚而退既而復持偽檄來其家僅見遥呼之銳腰斬以徇彎弓將射鵬鵬遁去衆志乃定賊怒圍城數周攻益急銳等殊死戰賊擁雲樓數十踰城中城中亦造飛樓從高射賊夜復絕人焚賊樓賊又置天梯廣二丈高于城版蔽之前後有門伏兵其中輪轉以薄城城上束葦沃膏燃其端俟梯稍近即徙其中木燥須臾盡焚賊多死時軍衛卒不滿百餘人乘城皆民兵閩戶調發老弱婦女給饋餉每朝晡登

城人運石一二數日積如山時方暑病湯乃置釜甑
城上煮茗飲士賊攻城城上或投石或以沸湯沃之
賊輒傷不敢近銳等射書賊營諭令解散稍稍有亡
去者乃募死士夜劫其營賊大驚擾比曉稍定宸濠
慚憤謂其徒曰安慶且不克安望南都祇為兩京二
三人悞我會聞南昌破遂解圍去文出城襲擊又破
之圍旬有八日而解事聞武宗大喜擢銳叅將分守
安慶池州太平寧國徽州及九江饒州黃州諸府銳
疏荐鄭岳胡世寧帝即召用世宗立論功擢都督僉
事歷予世十戶俄召僉書左府嘉靖元年保定復設

副總兵以銳任之閱四年復僉書左府典立威營以
母老乞侍養改南京右府七年冬充總兵官鎮遼東
已改督漕運鎮淮安為巡按御史李循義劾罷踰年
卒崔文世為安慶衛指揮使守城勞亞于銳世宗錄
其功超三階為都指揮使歷于世百戶嘉靖八年江
淮多盜廷議設總兵官督上下江防乃擢文都督僉事
任之明年改淮南京前府寺督標江久之卒

張祐字天祐廣州人幼好學能文弘治中襲世職為
廣州右衛指揮使年十九從總督滿蕭征南海寇禍
亡祖先登有功正德二年擢署都指揮僉事守儋德

虔瀧水獠獠負險者聞其威信稍稍遁去總督林廷選奇之引為麾下中軍軍事無大小咨焉六年守備惠潮盜魁劉文安李通寶嘯聚為患祐直搗其穴以次削平遷廣西右叅將分守柳慶巡按御史朱志榮貪肆偕副使陳陽劾之志榮坐謫戍總督陳金討府江賊命祐將一軍進自沅沙口大破之增俸一等十年擢副總兵鎮守廣西尋進署都督僉事時古田諸獠擡肆亂祐言先年征討率倚兩江土兵而賞不酬勞故今承調多不以期至乞定議優賚以勸有功從之明年督都指揮沈希儀等討臨桂灌陽諸獠斬

首五百餘級壘書獎勞又明年進兵討古田賊連破
之俘斬四千七百進署都督同知已復討平洛容榮
慶平樂諸蠻增俸一等廕子世百戶嘉靖改元遭母
喪哀毀骨立尋遘疾累疏乞休乃許還衛初上思州土
目黃鏐作亂祐懸賞購之其黨黃廷寶縛以獻總督
張嶺以祐不先白已惡之至是遂劾祐懷奸避難逮
繫德慶獄數從獄中上書訟冤詔釋令閒住五年盧
蘇王受亂田州總督姚鏌雅知祐勇畧召赴軍中待
以賓禮多所裨贊後王守仁代鏌詢撫勅之宜祐曰
以夷治夷可不煩兵而下守仁納之蘇受果效順因

命祐部分其衆及事寧守仁言思田初定宜設一副
總兵鎮之請即以命祐報可八年督兵破封川賊盤
古子等十年勅廣東會寧劇賊丘區長等斬首一千
二百勅銘大隆山明年陽春賊趙林花攻陷高州總
督陶諧檄祐進討祐深入多所斬獲忽中危疾卒軍
中為之哀慟祐身長八尺智識絕人馭軍有節制興
下同甘苦不營私產性好書每載以自隨軍暇即延
儒生講論嘗過烏蠻灘謁馬伏波祠太息曰役不徂
豆其間非夫也題詩其上後田州人懷其澤立祠橫
山祀之

桂勇應天衛人嗣世職為千戶中武會試校指揮同知正德中歷官保定叅將平流賊有功九年遷副總兵鎮守江兩召還改左叅將練團營士馬各武宗南巡進署右都督世宗立京師多盜命增巡捕軍四千以勇充叅將督之勇號令嚴善稽察盜賊屏戢京師肅清已而京東盜起流劫霸州永清勇奉命督捕先後擒獲五百餘人屢賜銀幣時方汰傳奉官勇亦降都指揮同知領職如故嘉靖三年大同軍變殺巡撫張文錦進勇署都督僉事充大同總兵官勇捕誅渠首郭鑑等六十餘人奏罷文錦所建高山聚落二堡

撤其戍兵軍情稍定而勇家屬士人亦為亂軍所殺
朝議慮將卒不和召勇還以朱振代進勇都督同知
仍領巡捕事七年流賊宋銳楊恭援京東以勇為提
督軍務總兵官會河間總兵官曹綱討之勇帥恭將
郝通進勦賊遂平詔賚銀幣明年掌後軍都督府仍
兼捕務故事後府權獨重率勛臣掌之無用都督者
至是特命勇時以為榮帝又念勇討叛卒時家屬被
戕命加右都督賜白金三百兩已命充總兵官提督
東官廳士馬掌後府巡捕咸如故勇事任既多權稍
重諸武臣多害其寵於是羽林指揮劉永昌言勇兵

柄太重人心生疑請帝裁抑之且言勇與桂萼同族
詆李承勛推勇為誤國等承勛具言其誣勇亦求解
兵柄帝乃聽辭東廳提督餘不許勇為將三十年遭
時承平戰功不甚著然持重識大體得上下心以故
數有委任典巡捕最久能止盜民甚安之十一年卒
官賜恤如制

劉璽字廷守南京龍驤衛人幼有孝行為諸生自力
學問襲世職指揮同知用才能選視龍江右衛軍政
調舡廠把總兵部尚書喬宇器之荐部旗手諸衛漕
糧時江彬橫肆以貨畀領運者令散之漕卒而倍徵

其息卒大困璽真一棺舟中右手持刀左招彬使瞑
目呼曰若犯吾舟吾必殺若行自殺矣不能納若貨
困吾軍言已嚼齒欲碎其人懼而走終亦不能害已
守倂溫州諸府得軍民心數月用督漕侍郎陶琰荐
進都指揮僉事部江西諸府糧江西自寧庶人亂漕
粟多逋璽善經畫竟得如額嘉靖初復以荐改掌江
西都司為巡撫盛應期所知有疑獄每屬璽璽遇事
務盡心即有不便輒請于撫按釐革之尋擢叅將協
同督運璽歷官自常俸外不入一錢自處清約時以
劉青萊稱之帝亦雅知焉十三年督漕總兵官缺人

所司以璽名上帝喜曰是窮劉也即擢都督僉事任
之璽淮事五年先後條漕政便宜凡三十餘疏軍民
咸德之改僉書南京前府二十三年再被命督漕璽
素嚴介于勢要無所假借越二年遂中讒被劾罷歸
裝蕭然書數卷而已璽學既該博律身不營言論必
執于正江西時御史蔣南昌學聽諸生講白刃可蹈
因問若鄉前輩誰可當此者諸生未及對則曰文天
祥其人也璽聞之謂此專諸聶政優為之奈何加諸
仁至義盡之人仁至義盡外他無所謂中庸矣欲起
辯同僚躡之而止其卓然有識如此

萬表字民望，鄭人。幼好學，負奇節。襲寧波衛指揮僉事。嘉靖初年十八，中武會試，授都指揮僉事，總浙江漕運。舟次淮安，見饑民流離載道，慨然曰：「吾何忍愛一官坐視萬民死？」發所運米賑之。上官聞，咸大驚。已卒，無事久之，改掌浙江都司鎮守中官。有所請，屬正色拒之。尋與南京大教場訓練有二把總怙魏國公虐其下，表痛懲之。魏國初甚憾，既察表廉正，更與親善。尋以疾歸。遭母喪，廬墓有芝生于所起。為漕運叅將，改掌南京錦衣衛，擢廣西副總兵。半道復以疾歸。二十五年起，署都督僉事，充漕運總兵官，鎮守淮安。

諸府表廉明有威望得軍民心同事文臣賢之漕政一切倚辦雖朝廷亦知其才數條奏利病率報可先是戶部以四方告災漕粟改折者幾半帝以為非制切責尚書王杲令全運軍民並告病表疏陳其狀請發官帑造舟且量行改折帝感其言許發帑金四萬折漕粟三十萬石石輸銀六錢軍民稱便居三年命僉書南京中府又以疾歸倭患起表以南軍素不習戰散家財招少林僧二百人厚結為用會倭突犯緒山杭州震懼巡撫王忬方視師海濱布政使游居敬倉皇問計表為畫戰守策且使僧擣倭為其塔指揮

吳懋宣將之懋宣深入力戰隕于陣然會城賴得全
三十三年復起督南京中府行次蘇州楊涇橋猝遇
倭從行壯士殊死戰賊乃退喪僕一人表亦中流矢
貽書其子曰吾家世以戰功勤王事吾身不任兵革
晚歲添一癰痕不亦美乎時賊據海濱為巢貧民無
賴者多歸之表言于巡撫周琬曰賊據內地久民不
得田逋負日積而官司徵調不已勢必去為盜是驅
之助賊也亟宜蠲逋租寬力役懸賞格以招之且下
令募兵土著之餉等之客兵則應者自衆苟得壯士
十即損賊兵千也視調客兵孰利議行歸者復衆賊

浚衰明年春復改督漕運進都督同知表固多病又不樂榮利其冬復告歸未幾卒表通經術熟先朝典故所交悉天下名士與羅洪先唐順之王畿錢德洪尤相親善明世武臣以儒學顯者表為冠子達甫字仲章少有異稟與庶兄謙甫讀書溪橋上每盡一帙輒投諸溪流已而背誦無所忘失稍長為諸生表使從順之幾遊學益進既嗣職數領運事究軍政皆能其官屢遷都指揮使克廣東海防叅將有盜賊剽海上當事張皇其勢冀邀功達甫曰鼠竊耳何煩兵為遂拂當事意謝病去達甫性仁厚躬長者行叱咤之

聲未嘗施于犬馬終身不言財利家日貧至餽粥不
繼子邦孚字汝永以諸生就世廩再遷都指揮僉事
涖山東都司萬曆中統班軍番上值三殿災急率三
千人入救有詔毀五鳳樓保永運庫邦孚言樓不可
毀令軍士併力衛庫樓亦得存時方用師朝鮮改游
擊將軍統舟師駐旅順以通餉道事定調溫處叅將
福建奸民多入境為盜邦孚下令入浙易浙舟浙人
往福建亦如之自是軍械無所藏奸宄遂絕遷江北
副總兵鎮通州鹽徒出沒為寇設策購捕海濱晏然
居二年進都督僉事為福建總兵官州人懷其澤欲

建祠邦宇詳不得時方改營州城發綠城塚墓白骨被
野邦乎命以其賢為義所掩瘞之州人並頌焉至福
建有島夷舟失風被獲父吏欲駢誅報首功邦乎力
爭所獲三十五人盡得免年五十餘即致仕歸家居
二十餘年卒于泰舉崇禎中鄉試有文行親喪廬墓
蔬食三年國變後隱居不出窮約以終

何卿成都衛人幼有志操長習武事正德中嗣世職
為指揮僉事以能擢筠連守備從巡撫盛應期擊斬
叛賊謝文禮文義群蠻繫服世宗立論功進署都指
揮僉事克左叅將協守松潘嘉靖初芒部土舍隴政

土婦支祿等叛卿討之斬首二百餘級降其衆數百
人政奔烏撒卿檄烏撒土官安寧令擒政以獻寧倂
許諾政竟不出兵亦久不解巡撫湯沐言狀帝以宿
師費財奪卿冠帶已川責令兵進討賊始滅還冠帶
如初五年春擢卿副總兵仍鎮松潘時隴氏已絕政
芒部為鎮雄府設流官未幾政遣黨沙保復叛再命
卿討之偕叅將魏武泰議姚汝舉等率師並進斬保
等賊首七人餘黨盡殄錄功武為最卿次之賜賚有
差十二年黑虎五砦番賊反攻圍長安諸堡烏都鴉
鴉諸番亦總叛卿討破平之明年就進都督僉事威

茂番賊卞餘砦據險連兵邀劫軍餽且分兵攻圍茂
州及長寧諸堡要求撫賞卿密與副使朱紀定方略
先築茂州外城以坐困之旋以計殲其衆戰既屢捷
士氣倍奮遂率兵攻深溝焚其碉砦諸番窘請入牛
馬贖罪卿不從責猷首惡番人不應則復分兵勦淺
溝渾水二砦殲之于是諸番大懼爭獻首惡于官刑
牲軟血或斷指截耳誓不復叛卿乃與刻木結約分
處其曹畫疆為守松潘之路復通巡撫潘鑑等上二
人功詔賚銀幣十八年進署都督同知鎮守如故久
之以疾致仕二十三年塞上多警有詔召卿卿以疾

群帝怒奪其都督命以都指揮使詣部候用未幾寇
逼畿輔命將兵營盧溝橋寇尋退會松潘副總兵李
爵為巡撫丘養浩劾罷詔以卿代給事中訐天倫言
卿賄養浩二千金故劾爵為卿地帝怒遽褫卿及養
浩官令巡按御史丹崇禮覈實當是時兵事方棘宣
大總督翁萬達復荐卿乃復卿都督僉事督東官廳
軍馬既而崇禮甚言爵貪污無狀卿鎮松潘十七年
為蜀保障軍民同辭頌德且官久而貧安所得二千
金行賄帝意乃解二十五年四川白草番為亂言官
劾副總兵高鳳不勝任兵部尚書路迎奏卿代之

已得請給事中張元冲言兵部用卿不以會推而于
題覆廢壞典章帝然之命自今毋廢會推卿再蒞松
潘將士咸喜乃會巡撫張時徹集兵進討叛番生禽
渠惡數人俘斬九百七十有奇克營砦四十七毀碉
房四千八百獲馬牛器械儲積各萬計捷聞進署都
督同知卿素有威望為番人所憚至是自威茂迄松
潘龍安夾道築牆數百里行旅往來無剽掠患先後
蒞鎮二十四年軍民戴之若慈母再以疾引歸三十
三年倭寇海上詔卿與沈希儀各率家衆赴蘇松軍
門明年克副總官總理浙江及蘇松海防卿本蜀中

名將不諳海道至是年已高而兵與將又不相習竟不能有所施為巡按御史周如斗所劾罷歸松潘人立祠祀之

沈希儀字唐佐貴縣人嗣世職為奉議衛指揮使為人機警有膽勇智計過絕于人正德十二年調征永安以數百人擣陳村砦馬陷淖中騰而上連破三酋破其餘衆進署都指揮僉事義寧賊寇臨桂還巢希儀追之巢有兩隘賊伏兵其內使熟徭給官兵入希儀策其詐急從別隘進兵直抵賊巢賊倉卒撤伏還救遂大破之未幾荔浦賊八十餘渡江東掠希儀率

五百人往駐白面砦待其歸砦去蛟龍滑石兩灘各
數里希儀以滑石灘狹雖衆可薄蛟龍灘廣成列而
濟則難圖欲誘致之滑石乃樹旗百蛟龍灘亦以羸
卒燃柴以疑之賊果趨滑石希儀預以小艦載勁卒
伏葭葦中賊渡且半乘灑急衝之兩岸軍譟而前賊
衆驚擾多墜水死收所掠貨畜而還十四年從副總
兵張祐破臨桂灌陽賊又從破古田賊進署都指揮
同知掌都司事嘉靖五年總督姚鏌將討田州岑猛
用希儀計間猛婦翁歸順土酋岑璋使圖猛而分兵
五哨奔進希儀將中哨當工堯工堯為賊要地賊聚

衆守之希儀夜遣軍三百人緣山而上繞出其背此
明合戰則所遣軍已立幟山顛由是賊大潰敗猛走
歸順竟為璋所執田州平希儀功最為鎮等所抑止
受賚鎮議設流官希儀曰思恩以流官故亂至今未
已田州復然兩賊且合從起矣鎮不從以希儀為右
叅將分守思田希儀請還鄉治裝以叅將張經代守
甫一月田州復叛鎮罷歸王守仁來代多用希儀計
思田復定八年改右江柳慶叅將駐柳州俄象州武
宣融縣徭賊反率師討破之明年謝病歸又明年還
故任柳在萬山中城外五里即賊巢軍民至無地可

田而官軍素疲罷不任戰又賊平日徧官府即聞聞
動靜賊無不知希儀謂欲大破賊非狼兵不可乃請
于制府調那地狼兵二千來戍兵威漸振乃求得與
徭通販易者數十人持其罪而厚撫之使訶賊於是
賊動靜希儀亦無不知希儀每出兵雖肘腋親近不
得聞至期鳴號則諸軍咸集令一人挾旗引諸軍貿
貿行諸軍不測所往及駐軍設伏賊必至遇伏輒奔
官軍從而擊之無不如志已賊寇他所官軍又已先
至雖遠村僻聚賊度官軍所不逮者往寇之官軍又
未嘗不在賊驚以為神希儀得賊巢婦女畜產果鄰

策者悉還之惟取陰助賊者由是諸徭藝服無敢嚮
賊先是希儀初至令熟徭得出入城中無所禁因厚
賞其黠者使為謀後漸令徭婦入見其妻賚以酒食
繒帛其夫常以賊情告者則陰厚之諸徭婦利賁爭
勸其夫輸賊情或自入府言之以故賊並無所匿形
希儀每于風雨晦冥夜偵賊所止宿分遣人齎砲潛
伏舍旁中夜砲舉賊大駭曰沈將軍來矣咸挈妻子
匍匐上山兒女啼號或寒凍觸屋石死爭怨悔作賊
非計至曉下山則寂無人聲所散遣出他策者亦然
衆愈益驚潛遣人入城偵之則希儀故居城中不出

也自是賊膽落多易而為熟徭有韋扶諫者馬平徭
魁也累捕不得有報扶諫逃鄰賊三層巢者希儀潛
率兵勦之則又與三層賊徃劫他所希儀盡俘三層
巢妻子歸異時希儀俘賊妻子盡以畀狼兵至是獨
閉之空舍飲食之使熟徭徃語其夫曰得韋扶諫還
矣諸徭聞悉來謁希儀令入室視之妻子固無恙於
是計誘扶諫出巢縛之以獻希儀乃還希儀乃剗扶
諫目交解之懸諸城門諸徭畏希儀威信並不敢為
盜自是柳城四旁一童子牽牛行深山數百里無敢
攘攷者希儀常上書于朝言狼兵亦徭種耳徭種所

在為賊而狼兵死不敢為者非狼兵之順徭獠之逆也狼兵隸于土官而徭獠隸之流官土官全嚴足以制狼兵流官勢輕不能制徭獠若割徭獠分隸之旁近土官土官世世富貴自不敢有他望以國家之力制土官以土官之力制徭獠如此則徭獠皆為狼兵兩廣世世無患矣時不能用至十六年而有思恩岑金之變初思恩土官岑濬既誅改設流官以其酋二人韋賁徐五為土巡檢分掌其兵各萬餘人夷民不樂漢法凡數叛鎮安有男子名金自言濬子鎮安土官乃潛召其舊部酋長出金而與之盟曰若小宗也

諸酋羅拜擁金歸奉之聚兵五千將攻城獲故地遠
近洶洶初濬既誅其酋楊留者無所歸率黨千餘人
詣賓州應募為打手至是希儀在賓留入言請往見
小主人希儀故惠金及聞留言蓋大駭慮其表裏煽
禍固好謂留曰是岑濬第九子邪我往往征田州時固
聞之固自語曰岑氏其復乎欲以深動留留米喜已
呼留入密室言予我重賂即為金復官且出復呼入
曰韋貴徐五今分將思恩兵必讐金善防之於是留
蓋大信金遂從五千入固留以見門者奔告請無納
希儀罵曰金本土官子非賊奈何不納引入厚結之

又引以詣兵備副使隨以計漸散其五千人平縛金
而思恩復寧已從總督張經大破斷藤峽努灘賊受
賚歸希儀鎮柳慶久渠魁宿猾誅捕殆盡先後擢巢
斬馘積至五千餘級然未嘗悉奏功故多不叙十九
年復謝病柳人祀之都督山雲祠旋起四川左叅將
分守叙瀘及貴州迤西諸處其冬擢署都督僉事充
總兵官鎮貴州二十一年又謝病歸明年塞上多警
召天下名將至京師希儀在召中初希儀鎮柳慶每
戰必先登身數被創陰雨輒痛劇故數謝病至是亦
以病辭帝疑其規避褫都督官令赴部候用宣大總

督翁萬達薦其才又明年江淮多盜議設督捕總兵
官乃復希儀署都督僉事任之二十六年部推希儀
廣西副總兵帝從之命自今將領至自兩廣四川雲
貴者毋推京營及西北邊著為令明年從總督張岳
大破賀縣賊倪仲亮等詔予賈授仍齎銀幣瓊州五
指山熟黎素畏法供徭賦知州邵濬躋貨虐取之其
酋那燕遂連結崖州感恩昌化諸黎為亂總督歐陽
必進議并萬州陵水黎討之分兵為五道希儀適病
最後至謂必進曰萬州陵水黎未有黨惡之實奈何
并誅並樹敵莫若止出三道必進從之希儀乃偕秦

將武鸞俞大猷等直入五楮山下斬那燕及其黨五
千四百有奇俘獲一千有奇招降三千七百人捷聞
進都督同知改貴州總兵官復從岳平銅仁叛苗龍
許保吳黑苗又以病歸倭寇海上命督川廣兵赴勦
無功巡按御史周如斗劾其昏耽遂罷希儀為人坦
率居恆詭笑洞見肺腑及臨敵應變運奇雖鬼神莫
測也尤善撫士常染危病所部兵多自戕以禱于神
最後一人至以箭穿其喉其得士心如此

石邦憲字希尹貴州清平衛人嘉靖七年嗣世職為
指揮使累功進署都指揮僉事克銅仁叅將二十九

年苗賊龍許保吳黑苗叛總督張岳議征之而賊潛
兵攻陷印江又陷石阡邦憲坐逮問岳以銅仁為賊
巢穴而邦憲有謀勇乃奏留之邦憲遂以九月與湖
廣四川分哨進兵貴州破苗砦十有五竄山箐者搜
戮殆盡上功邦憲第一未及叙而許保等突入思州
執知府李允簡以去邦憲聞急遣兵邀其歸路賊懼
輒允簡歸邦憲坐俘倖戴罪賊既破思州復糾集餘黨
與湖廣靖南山苗欲攻石阡不克還過省溪千戶安
大朝等伏兵邀之斬獲大半盡奪其輜重賊不能軍
邦憲乃使使購諸苗令獻許保于是老獠老猺等果

執許保送軍門而黑苗竄伏如故三十一年秋邦憲
復以計購烏朗土官田興邦等斬黑苗囊首以獻賊
盡平遂進邦憲署都督僉事充總兵官代沈希儀鎮
貴州未幾臺黎砦賊首苗閑保倡亂四川容山廣西
洪江諸苗應之遠近騷然撫勅莫能定三十四年邦
憲督所部與湖廣兵分道進討破之遂傳檄十八砦
苗許執首惡贖罪于是諸苗聽撫設盟受約而還先
是播州宣慰楊烈殺長官王黼黼黨李保等治兵相
攻為患且十年至是總督馮岳與邦憲討平之明年
播州苗賊盧阿項為亂撫之不服調兵七千征之春

江水漲卽憲令軍士編筏徑渡直抵磨子崖營馬策
賊夜必未襲先為設餌賊果至擊敗之賊求援于播
州吳鯤諸將畏懼卽憲曰水西宣慰安萬銓播州所
畏也吾調水西兵進攻烏江聲揚烈縱鯤助逆之罪
烈安暇救人乎已水西兵至卽憲進逼其寨米風縱
火斬關而登賊大奔潰擒賊首父子斬獲四百七十
餘人進署都督同知三十六年破地隆所叛苗四砦
明年春又破岑千諸砦皆擒其魁已而地隆所遺賊
龍老三龍得金結龍偁苗老夭板梵苗石章保等縱
兵剽掠執石耶洞土官妻冉氏以歸尋發兵攻梅平

若官軍要之於路禽老三得奎走免獲與老人等攻
破平南營國邦憲偵知丹氏在老人所陽言議贖而
若以兵掩之老人戰死官軍遂入龍停若并執板兌
若苗龍老丙令執獻章保于是諸苗悉降三十八年
進兵討勾洗養鵠諸叛苗擒其魁俘斬甚衆降百餘
若而還明年湖廣淑浦徭賊沈亞當等嘯聚為亂總
督石叟檄邦憲討之生擒亞當斬獲二百有奇淑浦
甫平銅仁都勻苗相翔叛邦憲亟馳還率守備安大
朝進勦先破彪山若賊乘勝畧定諸若獲賊首龍老
羅王三等餘黨悉平邦憲又與總督黃光昇修湖北

墩臺烽堠百十所招冷水溪諸洞苗二十八峒皆聽
撫先是播州容山副長官土舍韓甸與正長官土舍
張問有隙舉兵相攻甸屢勝遂糾生苗剽掠湖貴境
垂二十年問亦糾黨自助邦憲督兵討之斬獲百餘
人問潛出探軍被獲官軍乘勝入甸巢會暮大雨迷
失道尋併葉勛百戶魏國相等陷伏中死焉邦憲奪
圍出還軍鎮遠再往征之賊沿江防護邦憲佯與爭
而別自上流三十里編竹為橋潛軍密渡遂水陸並
進大破之斬甸容山平進右都督尋與巡撫吳維嶽
招降平州叛酋楊珂勅平龍里衛賊阿利等當是時

水西宣慰安國亨恃衆跋扈色調上官辭色不善報鼓
衆譟噪而出或謂宜討之邦憲召國亨責之曰爾欲
反耶吾視爾釜中魚爾爾兵孰與雲貴川湖多爾四
十八酋長能從爾乎吾鑄四十八印畀之俾共圖爾
朝下令夕殄滅矣國亨叩頭謝為之歛戢隆慶元年
勅平鎮遠苗賊已又破誅白泥土官楊贊及苗酋龍
力水等部內帖然邦憲生長黔土熟悉苗情善用兵
大小數十百戰無不摧破前後進秩者四資銀幣十
有三所得俸賜悉以饗士家無贏資為總兵十七年
威振蠻中與四川何卿廣西沈希儀並稱一時名將

明年卒官贈左都督銅仁軍民為立祠

論曰正嘉時諸將南北征討功烈偉矣外此若楊宏
劉璽萬表皆雍容漕閘有儒將風楊銳遘亂上流桂
勇剽奸幾旬張祐何御沈希儀石邦憲並宣力蠻方
建威荒傲是皆南將之以勦伐著聞于時者嗚乎亦
云悲哉